



Pringoooools
CELEBRA CU **20%**

MAS PRINGLES

3
SMART TV
+ 30 caha di Pringles

Countdown pa final di World Cup 2014 riba bo SMART TV 46"
Cumpra tres (3) bleki di Pringles (4.6 oz. of mas grandi)
Scirbi nomber, adres y telefon riba e parti patras di e recibo cu descripcion di producto y participa pa anota un (1) di e 33 premio di Pringles.
Deposita na supermercado cu ballot box di campaña of na Compra N.V.

Ultimo dia pa participa ta Juni 23, 2014

Compra

Arubaanse Padvindsters Gilde (APG) celebrando 73 aña di existencia



ORANJESTAD (AAN): Recientemente, miembro-, mayornan y henter comunidad di Aruba a celebrando e di 73 aniversario di e organisacion femenino di guidismo na Aruba, Het Arubaanse Padvindsters Gilde (A.P.G.).

Riba e dia aki, 73 aña pasa lider nan femenino a cuminsa cu e prome grupo di guia pa mucha muhernan aki na Aruba. E tempo ey Aruba tabata pertenece na Antiyas Hulandes y e nomber e tempo ey tabata Padvindsters Nederlandse Antillen. Na aña 1986 ora cu Aruba a haña su Status Aparte e nomber aki a cambia pa A.P.G.

A.P.G., tin un total di 5 grupo rond di Aruba; San Nicolas, Savaneta, Pos Chiquito, Dakota y Noord. E organisacion nacional di guia femenino cu ta forma parti di e organisacion mundial WAGGGS (World Association of Girl Guides and Girl Scouts) ta conta cu mas di 230 miembro femenino.

Nos miembro nan ta cuminsa como un Beyisima (4 pa 6 aña) despues nan ta sigui pa bira Kabouters (6 pa 11 aña), despues ta bira Padvindsters (11 pa 17 aña). Tambe e mucha muhernan di 18 aña p'ariba, tin oportunidad pa bira lidernan asistente. Nos meta ta pa crea e futuro lider femininonan, door di trece programa nan educativo riba diferente tereno. Tanto

social-emocional, cultural, activo, liderasgo y pa ser un ciudadano ehemplar den nos comunidad. Creando alabes e spirito di voluntarismo den nos mucha muher pa asina nan duna bek tambe na nos comunidad.

Nos miembronan no ta desplega nan habilidad nan localmente so, pero tambe internacionalmente. Tanto nos muchanan, participando na diferente campamento nan internacional, pero tambe e directiva di APG cu proximamente lo participa na e conferencia mundial di WAGGGS na Hong Kong, China. Un conferencia caminda mas di 145 pais lo ta presente y Aruba tambe, hibando asina e nomber di nos isla na fronteranan leu y enfatisando e trabou incansabel cu nos lidernan boluntario ta haciendo cu e hubentud di Aruba diariamente.

Di parti directiva di A.P.G., a felicita tur e miembro-, lidernan y tambe mayornan cu a y ta deposita nan confiansa den e organisacion; contribuyendo na e educacion positivo di nan yiunan.

A.P.G. ta invita henter comunidad di Aruba pa "Like" nos Facebook page: Arubaanse Padvindsters Gilde (APG) y/of tuma contacto cu nan pa por bira miembro, mandando un e-mail na: apg.arubangirlguides@gmail.com.

Telefonnan di DIARIO
582 6747 / FAX 582 8551